

Edizione diplomatica

CAnt uei la lauzeta mouer.
De ioi solas co(n)tral rai.
Pois soblida laissa chaer.
P(er) la dousor qal cor li uai.
Ai tan gra(n)t enueia men pren.
De leo cui uei iausion.
Meraueil mei car neis de se.
Lo cor de desirer nom fon.

Hai las ta(n)t cuiaua sauer.
Damor e ta(n)t petit en sai.
Car sol damor no(m) posc tener.
Cela don ia pro no(n) aurai.
Tot ma mo(n) cor e tol mon sen.
Et si meteus e tot lo mon.
Et caisim tolc nom laxet re.
Mai desirer ecor uolon.

De las do(m)pnas medesesp(er).
Iamais enlor nom fiarai.
Aisi con la soil maintenir.
En aissi la desmantenrai.
Pois uei q(ue) nulla pro nom te.
Uar leo qi mauci e co(n)fon.
Totas las dot elasnescre.
Car ben sai car tal eson.

Anc no(n) aigui de mi poder.
Ni no(n) fui mieu de posc enzai.
Qem laissez enses oilz uezer.
En un mirail qe m(o)lt me plai.
Pois me mirei en te.
Man mort li sospir de preon.
Aissim p(er)dei co(n) p(er)det se.
Lo bel narcisus en la fon.

Daizo fai feunia parer.
Ma do(m)pna p(er) q(ue)n lo retrai.
Caizo uol q(ue) no(n) dei uoler.
E zo co(m) li deueda fai.
Claut sui en mala merce.
Et ai ben faic de fol en pon.
E no(n) sai p(er) qe mi deue.
Mais q(ue) trop poigei co(n)tra mon.

Pois amidon no(n) pod ualer.
Dig ni merces ne dreit qeu ai.
Ni alei no(n) uent aplaiser.
Chil mama mais no(n) lo dirai.
Ai cum part dele enrecre.
Mort ma ep(er) mort li respon.
Çuauc men poisc il nom rete.
Çais en eisil (et) no(n) sai on.

Merces es p(er)duda p(er)uer.
Mais eo no(n) osaubi anc mai.
Car cil qì plus endegrauer.
La p(er)duda (et) on la qerai.
Ai con ma sembla qì la uei.
Qì laichet chautrui desiron.
Qì ia ses lei no(n) aura be.
Laisse morir qe no(n) laon.

TRistan ies no(n) aures de me.
Qeu men uauc chaitiu eno(n) sai on.
De chantar megec merecre.
E de ioi damar mescon.

- letto 518 volte